

Supervizor za Brčko opoziva imenovanja Kisića i Dedeića

U skladu sa ovlaštenjima supervizora koja su mu data Konačnom odlukom, vršilac dužnosti supervizora za Brčko Gerhard Sontheim, opozvao je imenovanja gospodina Siniše Kisića na mjesto gradonačelnika Brčkog i gospodina Ismeta Dedeića na mjesto šefa Odjela za urbanizam, imovinske odnose i ekonomski razvoj. Ovakav postupak supervizora uslijedio je nakon što je potvrđena optužnica protiv gorenavedenih lica i još 5 javnih službenika.

“Nije bilo lako donijeti odluku o opozivu njihovih imenovanja, ali to je bio jedini izbor koji je u skladu sa zakonodavstvom Distrikta, poštovanjem nezavisnosti pravosuđa, jednakošću svih građana pred zakonom i praksom koju je supervizor u prošlosti primjenjivao u sličnim slučajevima”, rekao je Gerhard Sontheim.

“Želim da se zahvalim gospodinu Kisiću i gospodinu Dedeiću za njihov rad na funkcijama na koje su stupili u teškom trenutku i koje su obavljali na način koji je unaprijedio Distrikt. Opoziv imenovanja ne prejudicira rezultate sudskog postupka. U stvari, sve dok se ne ustanovi krivica, primjenjuje se pretpostavka nevinosti i želim da apelujem na sve da poštuju dostojanstvo optuženih i njihovih porodica”, dodao je Sontheim.

Prema Statutu Brčko Distrikta, zamjenik gradonačelnika gospodin Ivan Krndelj će biti vršilac dužnosti gradonačelnika do imenovanja novog gradonačelnika.

Supervizor za Brčko je započeo konsultacije sa političkim partijama koje imaju svoje predstavnike u Skupštini u vezi sa izborom novog gradonačelnika.

Radno mjesto šefa Odjela za urbanizam će se popuniti putem

postupka javnog konkursa.